

石

巢

詩

集

石巢詩集卷四

甯鄉程頌萬子大箸

安陸郡關

郢雪亭臺瞰昔荒
洲人猶說楚平王
好山有樹吸雲氣
遠水無波低夕陽
兀兀抱關春自老
詹詹頌酒意難忘
鵠來脫屣輕浮弋
鳬鷺招攜上女牆

石城曲

並序

安陸古郊郢地非江陵之郢都也春秋桓十一年傳鬬廉謂屈瑕次於郊郢以禦四邑四邑者隨今隨州絞在今鄖陽府州在監利蓼在固始

石巢四

唐川閣

郊郢居中北周改置石城郡兼置郢州治蓑壽
縣卽今鍾祥縣治莫愁村在縣漢西二里唐書
樂志曰莫愁樂者出於石城樂石城有女子名
莫愁善歌謠古今樂錄曰莫愁樂亦云蠻舞所
謂莫愁石城西艇子打兩槳又聞歡下楊州相
送楚山頭則明明與金陵無涉張祜詩亦云自
卽石城出長在石城頭而不云石頭城是也溫
飛卿西州曲艇子石城猶與武昌南樓連及蓋
本括地志石城山在申州鍾山縣山上故有石
城卽江夏郡酈縣地見史記趙世家注自周美

成西河詞賦金陵云莫愁艇子曾繫後遂屬之
於金陵矣樂府解題曰古歌亦有莫愁洛陽女
與此不同此曲出北周聲調可諗爰賦以補郢
歌之佚云

春關石城下沙樹青如薺兩漿不歸來留歡在蓬底蓬
低鳥呼風片時帆盡東天垂孟亭上山接郢門中芳洲
催急鼓艇子淹儂汝楚望劇騷心秦人贅鄉語秦楚故
通津風波思殺人南風催月暈低黯莫愁村省識愁來
路垂楊暝不分照春都隔水吹夢未成雲歡今在何處
西隔荆關樹艇子搖復搖遲儂大隄住去住問沙洋煙

波未是長珊瑚空挂鏡玳瑁怨爲梁郎歸嬉近節村靄
留香屨解惜郢郊春翻爲郢歌闋歌闋石城西風悽水
亦悽估程行自爾休怪夜烏啼

顯陵

王氣闕一穴化爲千年塵疇窮日月芒下燭地底魂松
林偃重阜穹碑聳靈神牛羊撼蛟螭臥齧草樹根古甃
隧盤磴漆燈龕謚闔增封媿賢藩爚煜開邸門俞扁徙
樂出慈烏繞樯馴外彰六益懸內挈五事陳耆古擯琛
賂設醴羅師賓旁戾陽春臺迄無歌舞新興王辭代邸
純德由山尊曾阿晝相鎖鑾躅天迴春當時議禮儒面

血恫莫申嚮非君父命自後恐諱親立廟兀聚訟几筵
彌酸辛宋濮漢定陶貽統難具論異葬法堯母山川茲
永禋

夜下漢水

一枕下襄波微聞去鷁多夜明風似雪人定岸無歌佩
渚迎重樹琴臺闕女蘿漸明來夏口津鼓歇靈鼉

九江能仁寺陪易函樓年丈

撰杖探蘭若衰遲道力降聽經花在手留坐茗移牕一
老真無我層城半入江暫來棲息定何礙有喧龙

陪函樓年丈游甘棠湖

亭午過函樓，叟飯意有餘。謂宜脫空飛，下攬甘棠湖。
湖甯接城闔，水竹櫛比居。其上車馬涂，其下荇藻鋪。
煙波送遙青，孤亭瞰層虛。嗟峨誰家園，樹石分綺疏。
一步一眄樓，半直半曲渠。竹音撼飢禽，荷響跳游魚。
叟至厭停杖，周覽方須臾。挾予出園行，飄髯隨所如。
道左識叟者，問年驚倍予。躬朽不自鞭，叟歸無用輿。
湖山樂聖解，性命通仁書。試傾此湖波，注海猶注壺。
持歸飲一勺，悵望寥天孤。

寄題匡山琴志樓

樓無百年壽，山有萬古琴。壘構三澗水，泠泠忘衆心。
父

心一何深子志一何沈
嬾從太老去忍待淵明尋我不
入匡廬不如盲與瘖
琴瘖會自響在澗無杯斟
主人生別樓飄墮蒼梧岑
請躡匡君足疇非師曠音
將游廬山阻雨時中
實罷官右江道

四十生日同玉簋飯寶通寺

留郢如潯暫得回江城
一塔倚崔嵬中年促促官淹去
野寺依依佛飯來
枰裏焦糟添舊供廊邊醉竹換新胎
平生此意嬾能識
娉節忘劬媿老萊

沙市醉別棠孫

涪州荔枝熟旣啖江陵
斲簞又輸君詩聲直走蜀江出

客路還從郢樹分
斜日杯盤飫真率
炎官火繖耐愁醺
十年暫聚一相笑
晚去龍陂乘醉雲

荊州裏河

荆沙西嚮港通潮
旗尾南風盡日飄
能使漢江夸地隔
也如吳越有涇橋
斷隄日色淹重樹
野店天容豁酒瓢
微憾納涼清夜永
柁樓蚊喙劇爬搔

奉寄甸齋尙書移撫湖南

金閭秉鉞向江沱
峴首羊碑淚孔多
中外一家尊柱石
衡湘九面擁山河
時藉要息黃雞唱
士賤微聞白馬歌
寄語邱園諸父老
好攜春酒迓青羅

江樓送粟揆

海天春色上雕樓，烏帽黃塵送遠游。
並世文章悔青瑩，卷簾消息問神州。
相親暇日爲時飲，暫倚春邊有莫愁。
消渴未蠲成獨往，權廻何處武陵舟。

次韻中實山堂玩月示姬人

扇手清涼捧玉甌，竹痕闌影見雙鉤。
乍聞遷客江千笛，別起姮娥世外樓。
攜手星辰釵挂燕，過頭風浪館盟鷗。
十年社散琴新拭，且喜朋尊慰薄游。

靄園山堂同雨珊丈小魯伯嚴石遺負彬沅生棠
孫中實重伯履初士可以陶詩采菊東籬下悠

石巢四

五二鹿川閣

然見南山分韻得采字

崦景初匿林朏魄方曜海山堂秋有餘脩然衆芳在文
會滌沈憂嘉朋競縣解凭軒合尊俎坐見千里外江艫
鬪機弈漢市通積賄東西分我羹穹媪不能宰憑高方
騁憂楚服各神駮川長鷁漸隱風急鴈逾殆擊楫何所
臧投鞭客毋待但窮儒墨判日促江山改毘著無遁姿
塵勞曷光采

靄園雨集伯嚴棠蓀中實重伯履初卽席分體

雕甍崕兀崇府岡有客戾止留山房華燈繼曜洗醕觴
哉生冬魄胡走藏漏天入弈迷無方初時霑霑飄院牆

後乃汨汨漫平莊籠燈選徑流潦妨日歸日歸稅亦良
鑒詩滴雨勢益霧酒悲燥吻傾天漿飡英蔽席籜掃廊
分題拈髭踞胡牀散原筆陣雄千將潛穎畸情世莫當
哭庵得句仙乎狂大曾盤馬工挽强小曾鼓瑟浮靈湘
詩成夸示各錦囊雨聲直挾詩淋浪汝南雞鳴僕在厠
烹茶睡起鼎沸湯角聲嗚嗚山氣涼燈火搖搖江影蒼
山堂茲會胡可忘嚮明共策歸騎忙惜哉不遇髯翁黃
小魯以園
主人不與

贈別棠孫二首

湖水照人青鬢短晚移舟記十年前留君暫可中山釀

策我無忘上峽船
笛外樓臺三戶暝
壺中日月四愁懸
浯溪家世裁眉客
暢好朋簪數昔緣

破空帆影下金陵
黃鵠磯頭秋不勝
燭外鴈如人睥睨
酒邊花趁髮鬢髥
茫茫去住知誰傍
抑抑文章謝汝能
崇府山樓今月黯
分攜聊上最高層

贈伯嚴二首

罷從劫外看山色
儘有晴廬不當家
今夕且招彭蠡雁
與君同醉月湖花
心灰耳冷知何寄
浪湧雲翻未有涯
迴憶乃園賓從美
玉梅林下鬪尖叉

滌醒敢螯龍川集
名輩清寥故一時
白髮欺人苒不盡

黃花待子肯開遲萬方同軌偏多難永夜懷鄉正賦詩
君時總九南鐵路何許滄江侶高臥舊家清德畏人知

函樓先生八十

浩園航政醉霜顛撰杖潯陽又十年海內三蘇一家集
中興諸老幾人賢江間白雪題襟好天上紅雲擁被眠
我欲從公謀仕隱銀河三澗語忘筌

廣雅宮保七十 賜壽百二十韻

極天樞轉泰維嶽象垂坤碣館趨東海高津障北原六
星尊斗宿百莠拱台垣襍黻兼圻領金貂紫葉繁重綸
頒遠陞羣彥集行轅恩賚駢珍綺勞思懍龜瑞酉金風

漸肅辰降日逾暄廿載荆揚域頻番節鉞尊共陳嵩華

祝願湧瀆川源公壽以八月三日兩宮分賜扁服額楹聯文綺珍玩之屬凡二十事嗣服

標英槩聞衣紹德言傳家殷鼎鬲守約魯壺罇林泮方

旋勺萍筐未取筭高軒驚碩宿盛籍炳魁元品地崇清

望班躋絕奧援南宮雲獻瑞北闕露垂恩公領壬子鄉解年十有五

其殿試對策指陳時政置三甲寶文靖公賞之世挺雄

文對人爭穎孝論禮成優詔畲焚黜諫書存進學車攻

釋收羌鼎望嶠志真高獨轆人蚤盼聯騫公任司業議奏穆廟升

初立嗣大禮命赴總理衙門諮商前後疏二十餘上卒

回伊犁奉越絕賓歌鹿滄溟網得鯤鑑空來瑞鶴庭

廢崇厚所訂十八條之約

冷愧懸貍舞妙巴僊籥詞高郢和墳傳經尊孔壁布鼓

敝雷門貢漢浮梗梓搜岷罄玉琨頻聞膺使節何止薦

溪蘊

同治丁卯典試浙江得知名士五十餘人癸酉典試四川旋督學朔立尊經書院督學湖北立經心

書院嶽嶽伊周望迢迢履舄痕一心丹藥迴雙節固關屯

邊利開鹽鐵官徭免郭村正逢籌壑收翻使厲藥韃

出公

閣學出撫山西兼提督奏開澤潞平孟等處鐵貨出洋之禁奏除驛站各州縣民間差徭釐定章程常經畫邊

屯田

練兵適擢粵督去不果行南海氛初惡西鄰責正

煩窺堂衝輿邃觸險破籠樊故事朝蘇祿新聞遁牧犍

瓊崖標鎖鑰香澳走繙帛威約今馮異鋒摧古大宛轉

精連燁海騰檄到犂軒果許銷邊警彌勞敵衆喧服綏

違貢雉班議肯隨鵠公在粵因法船踞臺北乃倡議攻越南以救臺灣招回黑旗軍劉永
福爲我用奏派馮子材援桂籌助演桂臺灣餉四百八
十餘萬法兵入龍州廣西大震馮子材王孝祺兩軍扼
鎮南關前要隘苦戰兩晝夜大破敵繼克諒山自中國
與西洋交涉數百年未有如此大勝者各國皆詣賀法
大懼日夜發電致總署請和公七次電奏力爭借筦妨
請少緩不得竟由總署北洋與之劃界定議
侵蠹更絃聽奏鴟奠安重粵嶠按采重璵璠廣厦經橫
耒官鑪鑄豈甌清尊凌北海雅集蒲西崑上考褒書問
名談陋啖恒量移驄緩緩警俗軼吁裁粵海關陋規二十四萬裁鹽
商承充費多者數萬少者數千裁梧州關浮收稅十五
萬增銷鹽課九十餘萬悉以舉大政充餉興學軼立廣
雅書院暨書局軼設銀元局歲獲贏餘三十餘萬是爲中國有銀幣之始
式憲先荆漢籌邊
接澧沅冶場千轉輓橫舍萬膏蚡絲泉工縑織銀銅屢

扇燭韜鈴嗤拙速覲譯辨重緡驅鱷功曾著潛鯨勞又

翻謀邊思德裕接境待王渾規設漢陽鐵廠采大冶之鐵以供鑄造是為中國鐵

政之始規設絲布紗麻四局銀元銅幣兩局丙申後鄂兵皆以西法訓練規立兩湖書院自強學堂授英法俄

德東五國文語甲午黑水沈鷺鸛朱蒙走鼉鼉運籌胸

中東事急公署江督有竹燭變眼無智入遞輪場捷三邊甲首奔吳飲頻點

牒楚戶任除怨乍慰江南渴旋消塞北燉庾樓還載犖

羊帶儉留緼中東之役公籌餉運械兩月未就寢明年還督鄂教戰開千列明

經救五惇火人夸敵愾完士驗諍言重匱雖勞酌伊誰

敢素殄山林開筆路編戶起墮惇規漢陽槍礮廠是為中國有兵工鋼藥專

廠之始初戊戌己亥間剛毅為政責天下辦團練公覆奏力陳其害謂團練成而排外則天下教堂皆毀矣竟

十髮居士全集

石巢四

九 鹿川閣

止不辦次年直隸山孰倡公羊學而忘正始昆輶軒鴻

東果有義和團之禍公素惡公羊學在蜀有變政多枝梧

寶富勸學蝨談捫輶軒語在鄂有勸學篇

攘夷又謬反樞機勞幹運輦轂幻朝昏林慮空逃儉駢

褻尙醉髡萬方馳鐵騎三輔走金根束手魚兼肉揮肱

鶴化猿東南雙砥柱鎬雒一歸跟互市咸思避毘閭竟

飽健襄樊新職貢歐美舊盟敦庚子四月京師奉亂作

民請保護使館勦匪又徑電各國外部及各來華水師

提督定約保護東南又與劉忠誠派員駐滬與各國立

約不得犯長江至兩宮西幸又與各濟變師韓呂旌

國申明約束勿擾襄樊以通貢賦之道

忠念許袁若非臣慮密幾使地維掀公受經學於呂文

經濟於韓果靖公超至許尙書再秉江東鉞還馳直北

景澄袁侍郎昶皆公所得士也

輓觀兵從壁上發策侍臨軒制學中西貫推恩孝義著

幾曾夸畫錦翻使促朱轡癸卯述職在都日俄開衅政

公述西國公使之言曰俄開戰此乃於中國有益之事

何爲阻之乃止奉命編纂學堂章程校閱經濟特科試

卷是歲太后賞銀五千兩公益以廉俸於南京漢飛

皮建慈恩學堂又捐置義莊一區以贍宗族

車接風雲灝氣吞回天如指掌縮地隘邱園抗議川通

粵憂劬夕又瞰國權收亟亟輪火望庵庵赤縣功誰並

滄江勢共蜿盡謨青鄂遠輿誦白頭蹲公在粵時擬議

乙酉復建議造粵漢鐵路今路線皆當日原奏一疏中

所定又與川督議定自辦川漢鐵路而粵漢路爲美國

人轉售與比國合興公司公首發其載建均輸策新除

弊布告天下毅然獨任竟得收回

折納冤銀官稽鼠尾武庫疊貳豚券費三千士圖書十

萬番環球樂行習異學競批根文武資兼肄工商互擇

掄人綱昭肅肅天演著昏昏

乙巳公改辦百貨統捐裁撤湖北州縣釐卡三十一

所

擬設官錢局行用銀銅鈔票湖北庚子賠款一百二十萬難在州縣者悉改充學堂及留學外洋經費至所

募新軍

一日應操一日講習前後出洋學陸軍歸者得四十人分應京師及南北洋各省調用增設農工商三

校江漢雙流並葉麻百里墩神功障渤海禹蹟導昆侖

工振期相代蛟鼉氣不噴市聲增浩浩湖水故汙汙近

憫湘流沸頻驚郢客魂免供平粟價置傳散衣縛什萬

官緡冊三千佛子旛經秋厯保障入夏固屏藩

公於武昌城北

自紅關至青山築江隄三十里又於城南白沙洲至京口築江隄五十五里又於漢口後湖築閘江隄四十里爲田疇村落涸出良田各十餘萬畝從前澤國化爲市廛故武漢間無游民今夏湘水泛溢災區千里公散賑

二十事往多成蹟時清不可諉皇圖基自鞏平格壽相

爰政順如流水書難罄束純謳思通漢沔膏澤下匡溢

瞻定心無競溫良體在垣硯青忘鵠眼裘白避貂廳勸

業臨闔闔箴師逮淑媛望瞻山聳峙德湛水潄浚公自號無

競居士在粵時值端溪開禁采貢硯公不求一硯及督

鄂商人乃寄視十方公以每方值二十金償之平生勸

珠帶鉤佩物值無過十金者燕居皆布衣無貂裘八表

依調燭三秋慶卜燁惟懷銘勒兕載頌福綏駕駐景無

勞藥忘憂儼樹萱鼎彝昭刻畫喬嶽挺松栢綸閣庸勛

晉靈椿上壽苞構堂懷式穀衣鉢共傳磨更老同揚觴

軍民慶炙臠杖朝期聖相祠室肖公孫公新得洛社圖

十髮居士全集 卷四 仁 龍川閣

堪紀汾陽福渺垠高文瞻鸞鸞爽節望騶驪從欲毋踰
矩稱稀古所暖衢歌熙皞皞賓醉舞幡幡靈壽今頌杖
殊仁感戴益萬流欽劍舄五福萃蘭蓀芳頌彌人海奇
齡錫帝閤

九日攜家人登黃鶴樓時抱濟兒之慟

兒留學日本還卒年

十二

大江流吾生鏡物皆有形如何不鏡死使我徒傷情重
陽軫爲客腳踏秋無力秋力不能生蒼山莽何極今古
江樓無限人年年奔景亟茲辰君看駭綠紛紅過盡化
青天白浪痕青天有夢浮將去白浪無情裹將住指點

扶桑一髮青是他生死來迴路淚莫滴江水深魂莫上
高樓岑重陽自古一人少拍徧闌干悵兩心

送吳知縣星映罷歸西安

我夢瀟湘君去秦踟躕同護百年身獨懸詩句清江上
誰覲琴心漢水濱富貴馬牛魂落拓文章天地膽輪囷
蕭蕭鬢髮行行柳悵絕凭闌晚嫁人

都門歌者贈之金陵

西洋第一芬奇古東海無雙檀十郎一笑尊前萬人海
菊花時節有滄桑

春明夢醒十年餘喜汝尊前慰索居難得江南花落後

石集四
三
有人來繼畢尙書

次韻送海年還官嶺南二首

詩壇河海絕橫流去國輕帆已數州
笛外梅花珠島月枕邊詩卷洞庭秋
風低繩鴈方尋渚雪晚留魚始傍洲
幾夕吟程黯回首中年休唱畔牢愁

耐霜松菊假庭枝睠別惟應酌一卮
女嫁男婚仍儉歲東頭西屋念當時
清貧寶玉期初服江海波濤鑿小詩
懷麓何年遂招隱共君低錯鏡中絲

臣里

細寫茸牕黯澹詩燭花彈向月明遲
半彎雪藕貪臨水

一段輕雲忽散絲
臣里秋悲催鵬去
帝鄉春恨有鷗知
從教薄怒由深愛
莫道陳王肯費辭

送與份還長沙

齊年跌宕照湘春
述古相看各愴神
撰述雕鏤毛子晉
詞章歌哭冒巢民
琴臺落帽逢南鴈
箏院迴燈別酒人
青瑣滄江對秋晚
幾番根觸二毛新

寄女娟并示陳郎

前年嬌郎來受業
長身玉立芙蓉雪
今年嬌女初出閨
三五嬋娟映離別
而翁應事乖俯仰
腹有新詩筆如結
阿孃企伫無所爲
送汝雙雙看湘色
湘清見底郎作官

石巢四

三鹿川閣

莫言絆驥求功難臨分欸欸不暇食江鮓四月堆銀盤
人生無涯但有匹去去雙情肯沾臆它時作序起韓窮
勝日何人當晒席激激飛濤火輪利艫中錄別追彊對
大別山前柳萬條湘春門外花千騎柳鞭花蕩別樣新
關風伏雨正愁人催妝閨裏三三節寄遠江千六六鱗
調冰倦臥紗幮暑辛苦開緘憶嬌女嬌女還鄉自有家
齏鹽莫厭阿孃語曾酌金卮勸孟光貪看碧鸛倚裴郎
故廬松菊知相認躍冶鉛刀試不妨湘軍往事關時局
吏職民權多牴觸相看素謁暖衡茅悵望青冥養鴻鵠
初嫁雄姿江月高百年情眷屬風騷何當靈麓賡歸隱

花裏行厨召爾曹

六月望日偕魏蓄室渡江雷雨嚮夕不得歸登樓

命酒有作

我偕資源魏使君官暇渡江呼白雲江亭宴罷日既夕
跋江風來吹練裙黑雲壓樓人不語急走樓頭望江渚
雷車撼山電迸樹去住風帆各掀舞天河逆捲海倒流
磯鵠洲鸚失門戶迴舫駭浪衝波側龍王廟前收不得
紅芒四射萬艘明白雨橫驅一樓熱使君與我興有餘
因攜美人江干壚玉盤膾鯉碧觴釀廣州荔枝紅玉膚
三更聽歌涼意偏四更雨收月亦出緇然呼櫂翦江行

醉臥船頭弄漁笛鳥鵲南飛可奈何江山相望有悲歌
炎涼共子數晨夕莫怪江豚吹白波

九日節庵招飲吳文節祠山堂與子申道存連句

次朱子登天湖詩韻

文字江山有代興高秋風物畫欄憑菊叢到眼皆詩料

萬竹節撐腸出酒棧淚雨暗彈聞鴈後穉壞雲將夕見

龍昇崇祠社鼓逢佳序萬插帽茱萸嬾未勝穉

樓外江山似昔時道瀟湘秋晚客毋歸有花無酒酬佳

節萬就樹移尊趁落暉老去戀頭餘破帽道狂來散髮

愛初衣側身不礙乾坤小萬莫漫臨風賦式微道

卽席和節庵申寶連句二首

秋昏秋曉耐衣單無主黃花任客看一抹江亭垂柳色
風來都變雨中瀾

十七柳亭春夢煙黃陳風度又尊前夕陽倒挂高樓角

如此江山忍寄牋

臬署乃園黃子壽先生植柳十七株陳右銘先生建亭今節庵按察方有

事封

雜題示飛俠五首

冠玉非關傅粉濃閒情聊作賣花傭河陽一縣初無分
何福天教看殺儂

富貴功名了不關罷琴長日看眉山過牆蝴蝶穿簾燕

卻恁如梭有底忙

漢皇虛詫黃金屋何人解享黃金福破屋真堪着腐儒
風雨枇杷閉門綠

評量花月總知音自在多情自在心莫漫人前跟着錯
裴休甚處儻相尋伎導客入席曰跟着我來總沒有錯
然予曰跟着錯來總沒有我的客赧

華陽才子百鬟居牢落詩情與宦疏昨夜貂裘犯江雪
萬牕花眼覲儂無

贈黎仲蘇邁爲菴齋
先生孫

海外歸來舊學存江風吹老髻絲痕書生親上文皇疏

君是通儒第二孫

贈黃亶心

厚成曾隨使歐西子壽方伯孫也

新洲海燕記浮槎文采風流本故家
十七柳亭春尙早
待乘驄馬放晴衙

石巢詩集卷四終

石巢詩集卷五

甯鄉程頌萬子大簪

人日次中寶韻

閒檢茶經注鶴經孤懷江表對新亭中年名輩多星散
少日歌樓隔雨聽庭雪漸消梅犯白江春初上柳搖青
何當寄詠同人日杜老溪堂罨畫屏

廣藝興公司上元燈詞

江天古月如今鏡江城樹樹燈相映燈月多情好試春
江山萬古樓臺靚月華如水拭銅街曼衍魚龍罨不開
朱轂避人爭覓路青帷別戶劇當階燈枝不禁柔風舞

結璘臺畔蓮花吐雌鳳雛龍駕海迴霞車虹勒當空舉
別有笙歌繞隊行銀花火樹暖重城誰家愛月如燈好
何處看燈無月明燈聲歛共江聲沸江月常憎燈影避
廣里隄邊雪作塵滋陽橋畔花聯轡畫鼓鼕鼕軍府深
魚壺翠帶合沈沈滾毬漫隔龍皮座合酺還頒翠金斟
攷工奇製人爭羨好月流輝真似霰歲歲看燈江上稀
層層踏月山頭見風花香散拂條枝堪堪羣生樂歲時
匠心賜額天題出珍寶分牌海國知公司六科製器采
進京師勸工陳列
所部奏獎子匠心獨運扁額又兩湖勸
業會及南陽勸業會均獎予優等金牌但得年年如此
月迴燈不照春人別試暖金樽覓賈區嬉尋莫誤燈時

節

上已攜家人游琴臺

春陽浩不見舉袂臨高臺漢水嫁入江神禹專其媒千
里阨一口陰束而陽開琴臺低枕之大別負若孩雲物
蟠參差樹石昂崔嵬新紅洗作障衆綠垂爲胎渡江蹇
春芳遙情契流杯遠岫坐橫攬野田祛積霾四海一儔
匹千齡茲往回平中得後老躁急實先摧願賡招隱曲
日日臺邊來

喬茂萱左丞來飲石巢

百年身如何投間始一見身中偶一適身外已千變喧

騰紙上波藏走巖間電一國鏡萬有鏡破羌屢眩君眠
不改方抱闕守一貫毛劉京雒儒君與予兄善中殂兄
暨劉相傷淚如霰毛實君劉錡仲子兄伯翰及君俱密好道窮生以肩世
闇死胡戀此殮難可加此醉強以餞北夢枕益酣南強
烈逾煽歸期寤毛萇謂言巢父賤

君子亭成 君子石高一丈削不一抱東嚮爲亭
節庵題柱云學海棠前有定香亭外同世間得
三處今見石巢翁余亦自署四絕

結亭春旣夕石月爭古妍翁來就三影暫醉全其天
萬喧穿一亭有影皆着地皤然石丈人無言炯相對

君子日慎獨所居方丈間精慮一不周花石無歡顏
磊磊石礪角而翁獨無倚不知君子誰相忘在亭裏

芝盆詩 戊申三月作石盆徑三尺深尺有七寸

腹刻九芝旁餘四耳爲詩刻之

芝翁作盆滌大筆石巢雨洗月東出筆從心正如有神
照吾神今千萬春

滬上贈詩孫二首

曉閣清尊對鬢絲腥暉低擲隔簾枝詩歌百首吾能託
畫格三孫世所師

君嘗手書詩稿四卷付余姜穎孫筠沈詠孫翰畫與君齊名

樹石

自隨山向背邈斯貪共墨淋漓東洲祖硯親承得歡憶

平居賭酒時

十年官次武昌魚
白下春殘少寄書
垂老風花招客去
別來詩酒問何如
海天雲樹懷高躅
楚望山川憶故廬
且喜朋樽慰勞役
人間信有九夷居

淮舫卽席分贈六首

丁簾花影照愁春
辟地惟宜署酒人
淮舫詩盟鷗鷺合
鍾山曠翠虎龍馴
無名肯爲花題榜
卜夜何妨網得鱗
文字蕭寥江海濶
相看老大倍情親

陳伯嚴贈詩次韻

關山繡斧厭風花
居傍青溪蔣妹家
文字故人春後燕
樓臺鬢影雨中紗
譚兵北府餘方略
宦牒南安又使車

幾日詩盟照淮海別懷隨漲莽天涯

俞恪士將之
贛南道任

翰林才子號梅癡江表方聞倚大師且爲神州商學派

何當地下有明夷襟期灑落儒流緩酒食迷離傲骨支

猶憶湘廬論書畫一牕涼月一籬詩

李梅盒時爲兩江
師範學堂監督

瘴消弓力養春陽五十功名易老蒼秦戍花明鶯徙帳

吳江純冷鴈思糧幾年西顧深朝眷一夕南都倚客裝

笑指新亭山色好壞雲多處接扶桑

黃澤生自
粵西至

白紵殘春建業城共君金石論縱橫秦淮賃廡兼歌哭

老去填詞易姓名硯外轉燈移水色酒邊欹枕聽潮聲

香樓舊址迷離外不負看山讀碣情

況夔笙近更名芸
臺號阮盒所居周

氏河亭得小碣
有媚香樓三字

十年淮舫見王郎鬢色衣塵各老蒼底事一官催我去
賸看雙鬢倚君傍江關詞賦溫秋夢海國樓臺挂夕陽
歛感輕肥念疇昔不妨人世有滄桑

王木齋

半山亭宴呈甸齋制軍二十韻

騎掃遺宮出亭叢故宅更登山天始半選樹夏能平宋
相騎驢出繫公領鶴行鶯花評節物草木讐威名奕奕
旌幢合瞳瞳劍舄迎磴盤雲疊几泉汲水供罌金石侔
知舊賓僚盡老成遠覘麾扇渡平睨石頭城蘭藻賡吳
詠櫻厨薦楚羹馳蹄膏翠髓鮓膾香杭日殢杯光暖

風規簟暑清和鸞行部促圖象鏡光瑩共訪朝天閣低
迷白玉京水香曇可措墩路謝誰爭漫與尋蘭若重廻
滌玉觥竹深僧暗度葉戰鳥低鳴庾譙崇開府梁游眷
客卿江山金粉淚花月昔人情禊賞天中近撝猷幕府
傾徘徊富崦景留詠託松聲

秦淮端陽曲

秦淮何世一渠水祖龍鑿之枯不死江南苦樂誰與胎
醉碧沈薶萬魚子端陽駢闐簫鼓鬧魂氣貼波呼不起
見說江山狀帝王猶能萬古青如此東南水嬉何處無
獨有秦淮恨難洗卻看攜妓有底忙不上船頭上船尾

石身三
五
酒波鱗鱗歡未極
閱世斜陽過蓬底
秦淮最濁湘最清
儀袖胡人屈胡鬼
吁嗟此理那可燭
只在河橋亂燈裏
安得綵絲續命三千紀
秦淮不清天老矣

四十四歲初度兩姊集家人觴予君子亭經兒度
曲歌以侑明日爲詩刻靈巖棋石間

江城狂客十三年
諸姊難逢竹醉前
朱戶曲廊燈錯落
小亭疎樹石嬋娟
買山無計聊供畫
汲古能禪似引泉
僚友相遮問初度
未妨予意解逃禪

石巢遙夜發嬰香
微福真宜百琲量
花草幽居小雲石
龍鸞新詠玉山堂
承親兒有能文慧
薄宦吾爲養拙方

牕外靈巖簾裏月一家端似住瀟湘

老大情懷仗酒醺
竭來憂樂笑平分
商量樂府愁中婦
取次花枝供細君
樹裏後堂飄笛管
月邊奇石礙釵裙
不知兒女人天曲
幾向風波宦海聞

題龔省吾觀察太常仙蝶圖卷

君守廬州仙蝶再至郡齋

昔年識蝶澱園日
姓雪烘梅在玉窗
近事蜂衙幻朝市
新圖鳳子出廬江
丈人福喜知非偶
園叟高情栩栩雙
留寫忠貞與仙躅
江湘耆舊頌眉龐

節齋五十時在宜昌

訪隱焦廬十七年
南州仕學許隨肩
歌呼風雨江樓外

指點星辰帝座前
抗疏功名淹日月
憂時笠屐滿山川
三游名跡歐黃後
遙壽髯翁酒百船

爲伯雨壽節盦

五十髯翁冰雪操
翻辭多繡與宮袍
南州學派尊嶠雅
東塾詩懷和楚騷
兩疏後先論國是
廿年湖海見人豪
平生辟地關憂樂
何處看山壽嶽高

寄示姪女端

諸姑文學本清奇
阿母能詩號女師
喜汝華年剛十四
不從城市鬪高眉

聞道周圍放學歸
長裙窄袖學堂衣
他時幸有門楣譽

認作兒郎見我稀

養芝仙館二首

老梅根吐芝威喜不盈握巖陰扇奇芬庭除空捉搦不
知天物闕偶自兒嬉獲鬢墨翹數莖膚紫斂層萼橫看
蟠若螭平睨懸如殼枝髹駢兩指雲詭漏一腳媵予高
閣中溫磨靜常覺琉璃恻深籠沈檀几新斲靈異不自
供胎奇屢冥索寄言素心人鑿坏欣有託

光緒丁未秋
石巢梅根產

紫芝一本明年築
館於君子亭北

園靜纔一畝關館山玲瓏有亭復有池穉柳駢孤松曲
房幌深碧畫壁牕新紅書城曲疊屏硯山雕隔櫳不使

異類氣入茲方丈中吾嬰山中來貽芝多賽嵇岐獨別
富媪大小羅星童膏澀香不腴理密色尙豐芝龕窟羣
英左右爲昭融梅芝炯益王獨秀矜餘風羈病吾忍殮
靈瑞天曷鍾毋爲戢邱園以拯人事窮

仲姊貽山芝九
爲製如意及芝

山并圖
識之

漢上濟生墩竹亭

城隅集湖舫孤墩上浮翠蘆窠嫋嫋青賺入鳬鴨細斜
遵竹路密瞥見亭牕麗風巢百尺餘樹古尙空寄徘徊
蒼影深日漏不入地坐碧衣更寒持杯暖山意茲亭隱
闊處形悴適所契浩歌生綠塵庵冉去無際何許扣舷

歸荒塍隔煙氣

寄題朱嘯篁槎塘二首

林塘稍遠城市松竹何論舊新君豈垂綸嘯者吾方受命詩人

室有鴻妻舉案時推驥子知名相思水遠天遠何處書聲紡聲

九日登晴川閣遂觀鐵厰懷南皮閣老二首

晴川東嚮古何時高閣誰當九日詩芳草洲鷄能賦否隔江樓鶴一招之添杯夙醞葡萄色落帽晚風萸菊枝拍徧闌干他日淚肯饒天塹賭殘棋

突燄淩秋傍月湖東南萬古一洪鑪卅年開府新都會
九日江城古畫圖就下傷心人與水登高矚目楚連吳
尊前風度成追憶爭說龍山勝槩無

鹿中

并序

光緒三十年九月瀏陽鎮頭市田間獲一器子
樸得之爲全鹿形背負圓筒左右穿耳二短筒
鹿轡裝如馬腹旁連瑣各跨一筒通體嵌金爲
飾高二尺身長半之禮器碑爵鹿桓所謂鹿
者禮圖無之趙明誠金石錄亦不知爲何器但
云青州近獲一器全爲鹿形疑所謂鹿者因其

形而名之耳錢穀校金石錄云射禮有鹿中高
一尺五寸爲鹿形背負圓筒以納算籌射畢以
釋之器也說文中內也从口丨下上通也入部
曰內者入也入者內也下上通者謂中直或引
而上或引而下皆入其內也訓與此器形同故
名鹿中大夫士與客燕飲講論才藝之器也記
云主人奉矢司射奉中使人執壺註云士則鹿
中也明此投壺是大夫士之禮也大夫得用兕
中不言者略之也

聶氏三禮圖投壺

儀禮大射儀賓之

弓矢與中籌豐註中所以盛算也禮鄉飲酒義

中謂穿之也後漢書列女傳注中者藏也與錢
說同魏邯鄲淳投壺賦云植茲華壺鳧氏所鑄
厥高二尺盤腹修頸飾以金銀文以雕鏤象物
必具其狀壺與鹿中無異周代法物曠世不見
而無銘詞予樸以示余屬爲攷證因名其軒曰
天鹿投壺館而聲之以詩

伊尼墮地行不得白日田間飛霹靂金身紫纈角磽磽
冷射千條萬條赤雕屏隔響四十驍小豆躍躍真珠槽
天帝大笑海水搖魯侯擊鼓聲陶陶十二籌駢耿銀甕
歡作嬌時箭爭送土花銜出碧爛斑犯樹償錢饒昨夢

青州逐得窮酒逋老墨挂樹天模黏竭來湘靈賭勝無
夕月罷躍蛇吞珠俯身漫就司馬格象物曷窺鳧氏壺
上官著經誰與考一白中原汝先老爭知不鬪侶探闕
淚盡金仙辭漢曉石巢宵闌鑒主賓月花媚滴詩人魂
哨壺枉矢請相見釘牌仙客無銘文彩鸞簾額當軒桑
錯落珠環辨巢父敗壺不識趙家郎身化百年壺外土

江工次韻贈張鉅卿

君是魚龍性能量江海寬我慚毛羽涇孤傍水雲寒朕
足宣防急攀髯老淚酸臣心如此水磯影照愁單

示江工僚友

葦舍雲陰合，醺顏醉冷楓。辛勤諸子役，戰守大江風。
導水銘須泐，爲山理可衷。新元賴時彥，名實百年中。

次韻鉅卿江上雪吟

縞素江城畫不如，凍雲飛絮壓青驢。長隄一路客呼鴈，
大月三更人取魚。君有秦鞭能架石，我慚陳榻可留徐。
危機獨夜詩愁湧，風力波心任卷舒。

和鉅卿詠梅

聘期偷卜海棠先，牕響風多惱未眠。逋客驂鸞臨月地，
卮娘飼鶴在花天。冷囚香國詩人寂，恥乞東風燕子憐。
縞夜稱身雲葉薄，闌干私凭小神仙。

歲除雪讌紅梅盛開示家人

略將人事補天疏
亭館年光勝昔無
青瑣闥中紅獸炭
白琉璃界赤珊瑚
扶釵醉踏瓊瑤賤
翦炬低看錦蜀污
百歲獸癡誰更賣
和春寫入合歡圖

送杜元穆權鎮鄖陽二首

畫閣烘梅灩酒卮
江帆晴雪擁流澌
川長楚北提封盡
春到巢南晚晚知
將略武當雄起障
秀才文正早憂時
天麟赤手公能搏
莫道冥鴻海嶽姿

吳蜀山川組練通
邇迴軍府未論功
酒懷聊共鶴守歲
詩骨勁如梅耐風
巨鎮襄鄖千里國
楚材文武百年中

建旆春汎桃花近夏口雙魚夢想同

自漢乘火車北行

燕楚關山咫尺通肱車穆駿笑無功心懸一榻長河北
身隘雙輪浴日東犇樹掃窗龍起陸壞雲燒野虎暗風
祇今縮地攀天術虛賺勞人類轉蓬

內閣驗放

旭日鵷班繞閣前瞳矐佳氣惹鑪煙修門四上萬千里
沖主三朝五十年雲聚帝苗更甲乙陰儀皇媪謚山川
略同口奏天顏咫尺爭企周家負宸賢

法源寺丁香花

蔥龍淺色天空外已無禪立盡香多處深知寺有年暗
鐘催老衲斜日過松顛耐得長安看枝繇正可憐

同中寶崇效寺看牡丹

殿角廊腰近百叢梵王催豔嫁東風寺迷京國斜陽裏
香落詞人帽影中無子花王淹後賞不名天下豈真同
相攜白紙坊邊客少日春人今老翁

題吳絅齋侍讀扈從負書圖二首

十二金仙辭漢日倉皇帳殿負書來少年學悟流麥士
中歲賦呈天驥才四塞河山仍北拱一時書劍又東回
收京涕淚循陔感西出臨潼望隗臺

魏家棠笏衍門風幾載憂危至計中幸有遺編承祖硯
更從何處哭軒弓縹緲歲月承平事羽獵關河夕照空
再拂東華舊塵土捧經猶憶醉扶翁

黃河橋

黃河水九曲泥沙恨難洗人言水自天上來我道天流
海邊止黃河橋四千餘年天所驕六丁鑿險百泓落直
控南北專中條黃河月遼古人天舟一葉如今陸照今
人行萬鎖鉤連走輪鐵黃河鎧電光攫月絝長繩平分
兩岸水晶闕界破萬古煩黎冰我歸南州去京國兩日
行程飛鳥疾滹沱瞥過劇清漳夜半颺輪到河北隱隱

平沙天動搖茫茫遠樹風呼吸戴金鼇頭矗作煙屈腸
羊坂平如織一車阿閣十數房數十車同洞窗闢轂轡
連伍共機旋行近橋頭屈羣力起看皓月長河明腥風
吹開白玉京化身金隄萬白馬呿銜接轡來相迎月光
鵬客無停行波光蝕月月不爭颺迴浪涌洩爲練龍門
下視川掌平炎車壓橋橋怒鳴橋上燈晴連月晴橋下
河聲流月聲萬千燈變萬千月引光觸柱天無營簇如
舡樓做闌檻豁如花眼翻雕甍車行浩浩還硜硜穿穴
廣武闢重城竭來都居謹河伯方諸視息鰓惇惇一睛
看橋平眾睛看車度洪發恫不驚萬鐵蟠滉柱圯上胡

來黃石賢軒中尙帶蚩尤霧吾聞中國巨梁十有一溺
渭洛河雄國脉秦皇渡海鞭石行荒怪何年理歸轍又
聞奇肱飛車四萬里成湯破之民不眠比閭羽木終日
行未敵高津懸兩軌歐洲國工記里詳架河截嶭橋之
王經行風雨晦霾夕虬膏萬卵撐橋旁候行津吏走四
五下方離立窺車箱今宵燈月更奇詭竄身蜃市穿龍
堂我生兀不似中國何有人面橫太行烏乎橋兮晝夜
走不遑兩原絡繹如康莊魚龍曼衍水嬉合巢父作歌
心慨慷君不聞十二萬年河走藏此橋亦墮無何鄉安
得大月如燈天外翔星球撞落年茫茫

題李經貽北征詩冊

纔向東華乞米歸
湘雲瀟樹黯征衣
李髯樓下吟新句
疏雨溼簾蟲亂飛

擬將如意敲眠虎
欲把長繩繫赤烏
落寞此才殊未老
肯拚詩思在江湖

題廣陵鐘傳奇

江館秋衣動芰荷
鐘聲催散廣陵歌
中年漸覺詞流少
世事無如痛飲何
夜雨籠燈扶恨立
夕陽尊酒誅情多
憑渠點拍招洪蔣
花想鬢天泣曼陀

寄豪生令甯遠

瀟雲嶺樹憶孤吟
朝治文書暮拂琴
爲縣漸知三戶苦
謁陵還入九疑深
仕貧那必緣妻子
政俗要能辨古今
江上火雲三十日
蟄居應笑不鳴禽

七月望日與李子申李佛翼歐陽淮生郭子秩會
飲龔靜老監酒有詩次韻

小有巖亭亦洞天
壺觴還企竹林賢
涼生詩鬢風前酒
潤透琴心雨後絃
世濁易淆星斗色
身閑誰辨佛仙緣
婆娑一老監觥政
叢桂相期永大年

蟾在青天鶴綠天
酒爲中聖隱爲賢
疏籬曲曲月三友
蟬語悄悄風一絃
晚近文章期辨惑
去來松石且隨緣

芝益詩刻鶯坊集後視無端又昔年

贈王夢湘守瑞州二首

盛年京洛號詞宗攜手琴臺有倦容風月翰林廬阜郡

江山文字漢陽峯

漢陽峯爲廬山主峯君守南康勒碑其上

交親我魏羊公

鶴世晦君猶老子龍三載搏沙兩吟社石巢宵永更聞

鐘

前年君過武昌聯吟

中原文囿莽前塵除郡清秋節物新行館菊觴風外鴈
江帆樹色雨中人仙源靖節標珂里經術高安是部民
我亦南州思搖落幾回皮相感勞薪

送陳士可還京時張文襄公薨于位

意氣劇飄颻暫歸君復行師門黯京國殘潦入方城況

有哀絃誅兼之感舊情石巢杯釀合襟淚益縱橫君方悼亡

召試金門日鬚眉七子存乾坤幾師友風雨各羈魂插

架書為壽憂天石不言驅車又重九莫過陸郎村陸郎村文

襄故

樹色燈巖字泉聲博士莊邊愁秋共入吾道夜何長涕

淚攜兒女飛騰望省郎平生家國意劍外有昂藏君居黃鵠

山宅後有摩岩黃龍道場傳燈巖博士泉諸古刻

魏春皆權襄陽丞出示所得漢玉軍司馬印賦贈

二首

翠液斜列土暈深摩挲楚寶未銷沈官私繆刻良工手
光價中年烈士心十載襄陽方佐郡九秋漢上富題襟
家珍國故憑誰審惆悵西堂謝客吟

印爲君
弟寄贈

聽雨湘春各盛年南州宦轍感霜顛祝君政似泥從印
笑我閒能杖挂錢天末高懷佩瓊玖詩中元氣有雕鐫
漢南司馬秋風健櫓背花搖月滿船

石巢詩集卷五終

石巢詩集卷六

甯鄉程頌萬子大簪

石巢八首

石竹陰陰低覆蘚
紙閣風簾爲晴捲
不知何處一聲鶯
似爲東風惜心眼
開落繁華千萬枝
主人移石閉門時
一官孤注且休惜
自詠羸皇鞭石詩

階前藤古如修蛇
卧地三匝蟠槎枒
高枝過牆低壓榭
兩鄰分贈垂簷花
三星巉岩高一丈
此藤覆作鬘天帳
別有荆花出架紅
意與橫藤不相讓

後堂陰陰接芳樹
月裏美人招白兔
不知何處媚香迴

落三更花上露填詞小閣寫經奩花意微醒酒半酣
誰與臨牕話風月竹牀藤枕夢江南

奇石巖巖號君子苔竹相陪爲杖履主人亭下看花來
衣上濃陰如潑水飲酒攤書坐此亭恰如正士對朝卿
摩挲老子秋風眼又到春來看筍生

籬門扁書鐫佐體門帖平原隱花裏主人書罷抱芝來
仰面看天弄孫子養芝經年官事劬人生悔吝天所驅
不妨築館種籬菊莫教蔓刺牽襟裾

太兒抱書藉苔卧小兒讀書欹石坐暮雨寒穿薜荔陰
高雲每駕孤松過飛仙巖石倚玲瓏更有池邊一老峰

閒遣諸郎適天性吟聲都在碧巖中

百花深處藏棋局靈壁丹崖相起伏風前裙衩見飄花
月底闌干如切玉禪榻茶煙兩鬢絲蘭蘭柳柳弄妝遲
莫吹鐵笛廉夫老且勸湘靈酒一卮

兩孫藉草嬉春風山妻擘鏡愁花紅世閒兒女習嬌慣
都在嬖媚春夢中玻璃牕戶芝仙館行樂百年嫌晝短
巢居原是畫中山豈與勞人矜燕婉

桐陰課孫圖述八十韻

煎銀作勞檠鏤玉蟠階墀山頽金曷簣池壅壁成泥攫
世各貴產何物不傳兒莫如紙壽長昭覽無窮期達德

我皇祖傳經詔湘湄寒窗牖天心載筆託聖涯高文雄
且清鳴於有道時莘莘潭州彥升堂拜公師春秋踵計
吏中外聯階資公窮道咸交出處慎所持遠覘曾桂林
近躅懷九嶷囊珍課孫圖畫者知爲誰書聲撼老屋屋
角桐樹枝中蟠桂竹蕉旁構垣石籬時晴擁巾卷歡顏
隱烏皮弱者背奉書冠者親承之其一前背誦末冠齒
略差席閒人見招疑立步未離坐讀兩觴年英眇如相
規置膝紅衣子謂是當白眉英英錦暉富皎皎瓊樹姿
緘藏等受硯聰聽俾含飴公神在天地窟室還軒羲巖
電迴紫光襟煥動霜髭遺情美篁墩述德綿洛伊我不

見古人我祖其庶幾喪俎歲丁卯我齒方孩提哭拜良
不勝指畫如有知母抱仰餽粥父行隨旒旂星祖廿四
年孫曾競蕃釐況逢江海平錦繡天東陲朝登迪貽堂
暮誦迪貽辭王母綴絮語實爲家所基故廬三百年美
竹千萬陂膠鬲沿有明十世文在茲孫劉兩世節蟬嫣
腹有遺鄉居病机隄末屬侵孤嫠汝祖泣單門興宗問
著龜謀遷會垣始曷敢計盛衰咸豐己未春比鄰殃最
奇燬原鋼藥場堂戶延崩隳眾鐵穴垣出赤爍遮路歧
人轟墮江流瓦掀過高陴陰曠不見朕不知禍所彌須
與天始廓相對面目驚闕翻內外限櫺折東西宦居咫

無完門孰辨幣與醜吾宗密不殄實惟先澤貽舊聞索
百什念此摧心脾憶昔癸丙年重銜鮮民悲閱時戶部
兄復後弱弟萎戶部壬子生圖成癸丑維七孫始誕一
畫筆通神祇顏天與汪殤兩兩傷宗彝所以背立兒實
與冠者隨藉長去何先圖識廼不欺是皆及公生門闌
靄雍熙天心何昭昭人事何纍纍孫不必半千名誰如
一祁發輒偕文興福善甯有私繫公養元氣奕世貞淋
漓嘉道厯太平咸同軫瘡痍不使作孽錢終嚴授經笞
坏鑿安小園花香隱茆茨晨披北窗易夕訪東郊菑座
不有杯觴人誰倒接攤書塵掩題躡庭誥伏壘簾饗談

續世論庸妄導羣娛所爲儒效窮莫覩天柱支鰲呿瀛
海翻烏走日月疲此輩束高閣六經猶糠粃羣流鏡躡
影造像同兒嬉誰世肖其先笑指某在斯茲圖曩無副
詩墨恫曷追小子邇廷對監條還鄂遲勗德逾抱慙時
餒薦懷其公靈下大荒掀髯簇雲旗何年築養堂歸傍
墓與祠數典誥來葉毋爲隱相訾後之中國新昔之君
子疑

送佛翼生日歸湘

風雨巢居共一杯留春花好故遲開九年世事杯中刼

時定九
年立憲

百首新詩石上苔

余爲君書
畫石詩卷

酒國高名閒歲月

故家喬木舊亭臺湖陰理櫂鄉心黯生日爭傳灌佛來
獨酌中新磯看雙白鳥迴翔不去

磯頭把酒意何如砥柱東南此一隅二鳥翅垂如我病
三年心血共江枯畫圖金口長隄隱保障層城夕照孤
可得人官癡似汝日規廊廟作江湖

行隄飲金口戍樓

徙倚層樓暇放閒今年工盡萬夫還長隄界破江湖路
軍戍平分大小山鸚鵡洲迴添鴨觜龍船磯涸聳螺髻
行隄幾度量秋穫未了民生事事艱

竹醉日飲集次冰盃韻

頻年貞吝感弧辰，儔壺觴亦勝因。歲序相望同一醉，
人天清切此閒身。廊風煮茗翻棋局，簾月攤牋溼酒塵。
詩句畫圖紛祝願，交親勞慰綺愁新。

贈許冰盦

星箕

通家三世未情疏，邗上杭州說寄廬。老去一盦冰作鑑，
時危百感竹難書。江流琴趣無今古，雨夜蕉心任卷舒。
猶及勝儔消永日，滿杯顏色攬塵裾。

贈高佑諸勸業

年時拙宦每從君，籌策相忘到夜分。新制班行觀察使，
外臺雄富武昌軍。馱金廟地如風草，磨劍橫天割海雲。

故相祇今輸奧略幾番惆悵立斜曛

節盦生日送歸嶺南二首

憂樂文章幾汗青攜家重問草堂靈湖齋學並經心舍
江渚名高抱膝亭展卷茶煙風嫋嫋閉門詩鬢晚星星
南州遺愛歌眉耆醺醪杯寬接洞庭

疏尊大祀孔林碑翻向商山覓隱芝若涉大川當未濟
應從地下出明夷焦廬懸榻高天塹陳塾傳經照海湄
歸思玉山常對酒嶠南風老荔枝時

題牛石慧畫瓜瓞 法慧破門一書牛石慧變爲
生不拜君四字畫題曰菩薩曾有言無刹不見

身東瓜蘋頭處豈非觀世音

樊遲學稼兼學圃世變焉能爲噲伍先生解見菩薩身
種菜青門非自苦刀筆靈緣三百年神州瓜蘋帶腥膻
遮頭翠葉當門蔓蕭落秋風值幾錢

觴月次冰盃韻

火繖江城隘巢居倦客閒籬花深賺月牕石小移山僮
約憐秋士鄰歌帶阿蠻清風瀟詩茗爲客啟荆關

巢居八至詩

至靈至頑湖石至近至遠燈光至明至暗花徑至冬至
夏草堂

至黑至白棋局至深至淺酒杯至勞至愛兒女至悲至
喜如來

至忙至閒蝴蝶至高至下鞦韆至圓至缺明月至紅至
白池蓮

至炎至涼竹簟至寒至暖錦衾至甘至苦身世至輕至
重黃金

兩頭纖纖歌九夏閨詞

兩頭纖纖眉語青半黑半白雕扇翎膈膊膊開風櫺
磊磊落落聞佩聲

兩頭纖纖簪玉橫半黑半白天欲明膈膊膊譙樓更

磊磊落落樓上星

兩頭纖纖菱實新半黑半白蝴蝶茵
脰脰膊膊分瓜仁
磊磊落落擲果頻

兩頭纖纖帳鉤響半黑半白猧來往
脰脰膊膊蚊擘掌
磊磊落落蛛懸網

兩頭纖纖茉莉針半黑半白玳瑁簪
脰脰膊膊花下禽
磊磊落落琴中心

兩頭纖纖噙玉魚半黑半白檀鈿幘
脰脰膊膊湔羅襦
磊磊落落持念珠

兩頭纖纖瓜作枕半黑半白橫波影
脰脰膊膊冰桃進

磊磊落落黃香瘦

兩頭纖纖鳳梭遞半黑半白繡巾字
脰脰膊膊鸚掠翅
磊磊落落珠鬢翠

兩頭纖纖涼月偏半黑半白巫雲天
脰脰膊膊新沸泉
磊磊落落洗兒錢

題惲南田畫

予得惲畫黃紫牡丹絹本高二尺六寸詩畫精
妙以諗其裔孫惲知縣元復乞摹副而藏之其
自題曰重簾不卷雨瀟瀟忽枉名花慰寂寥顧
我一身頭欲白愁他雙艷福難消幾年座接三

千履何處歡攜廿四橋今日碧紗籠內看應憐
紫膩與黃嬌記曰連日病酒養疴水雲精舍韻
庵太史折贈牡丹二枝明碧上人亦好事家出
汝州之瓶酌樊涇之水供於文木之几籠以碧
紗之幬亭亭花兒麗色嫣然真如邢尹之連鑣
號秦之同輦也蕩心銷魂舊疴頓釋然而春事
將闌花容易謝因爲之圖其兒並系以詩庶此
花之長存而後之君子睹此圖者未知以我爲
何如也按韻庵名挾王奉常煙客之子顧宛溪
南田集序謂人不知惲子之心而但稱其詩已

爲惲子所遇之窮至但賞其畫而不知其詩尤
惲子所遇之窮此幅題識感懷身世哀豔動人
覽此者當有以知惲子之心矣

南田名蹟世已孤我得牡丹雙豔圖狂香浩態宛相接
煙力欲顫花身扶姚黃一朵靨偏倚迴抱魏紫傾城姝
天公巧剪翠玉葉地媼別障青紗幙吁嗟此畫世罕有
水雲精舍藏春牖正色由來天下稀名題詎落旁人手
顓庵學士奉常家爲翁折贈洛陽花汝箋文凡對僧看
羞殺新姬雙臉霞比身較靨如秦虢中原幾輩能傾國
故宮禾黍畫圖哀花王尙弄春風色避地誰知抱幾心

養病自署逃禪客一幅靈縑兩豔魂江山忠愛難磨滅
畫師詩老謚南翁翁筆難爲世所同樂府買花翻白傅
洛圖爭麗紀歐公去歲宣南春未老崇效寺前看花好
鞵紅甌碧泣斜陽誰與此花圖壽考

贈子秩

火繖連天百卉焦知君手版亦無聊指圖高士閒能學
膚疾麻姑癢莫搔官道柳煙方瘦弱美人花汁漸蕭條
生天本是歐羅客歸向神州弄海綃君爲指頭畫時有
膚疾領鄂臺禁煙
事鶯粟類虞美人君生於英國

贈王聘三布政

十髮居士全集

石巢六

九鹿川閣

金臺簪盍憶離羣行部湘山禮白雲圖拯流亡看鄭俠
記深憂樂感希文隱囊紗帽延秋爽紅燭官書入夜分
搖落漢南知賤子下風頻拂澧蘭薰

長嫂俞夫人六十

西屋東頭四十春桂叢蘭社倚松筠清談謝嫂無雙譽
予季崔家第六人楹帙葉盦珍簡蠹孫枝花甲養雛麀
庾樓夜月湘江酒秋色平分祝悅辰

登高介雅圖 宣統二年九日志伯愚將軍梁節

庵按察置酒吳祠山堂壽其師龔靜園先生七

十有三命工爲圖屬題

一老持觴會者三十侶
召霜之豐鐘等在編之浮石
渤海纂牒歷五朝重九七
十年南豐辦香祝遐齡三
萬六千日漉酒盈池絮花
爲壁諸山列屏大江抗席
鬚眉躍然笑語橫接後有
覽者歎仇十洲所難摹爲
羅兩峰之不及何況有伯
愚之愚節庵之節倘古之
人識是翁兮定合香山七
老九老而爲一

靈芝三秀圖贈靜老

詘曲左垂鬢盤擎右伸手
中央洞夜光威喜昂其首
三秀挺巖谷一老當窗牖
玉色揚朝華金英爛卮酒
我巢東南隅梅根昔靈剖
一莖方獨搖築館臨高阜
先生挂

杖觀主人負牆走謂當違市朝共隱軒三柳斗穴探蝦
蟄層雲幻蒼狗抱芝從若翁歲歲作重九

魯髯養疴崇府山麓九日以庖珍餉予和伯嚴韻
與小魯爲登高之會不果三篇爲畬

城棲兀當山樹古天易暮巖赬洞壑迴巢偈猿鶴駐髯
遷日有喜重九餉親故寡欲忘積疴清吟謝時譽徙宅
構崇祠吳文節祠髯誠急所務豈伊社睽遠敢必墩爭傳山
堂頃高宴羣流瞰江懼盆餽羣兒嬉卮言父老諭促歸
何所如躬續小園賦靈修軫時命替儒摘章句俗蔽文
益凋身窮樂能赴開牖晞髮眠晝夢與髯遇

盛詩陳考功睠別江海暮曩儔念張席共此山堂駐衰
哀嗟路歧感舊餘國故惟髯左右之櫻累更誰譽張席
今黃墟脫冒何所務考功屹江左纂采盛班傅吾儕中
道孤醉語醒可懼髯也聞濂學申章見諷諭抽善輟塗
旌計功增國賦塊坐一何營低頭哦斷句九年遽過二
百歲何人赴時議九年立憲邀髯和陳詩形骸感因遇

巢居石如人環拱北軒暮方亭飲秋翠花氣得雨駐官

街咫尺相隔陶徑尋非故歡攜影答形晦迹毀兼譽守轍

無異營藏山有先務寫碑祠羅山近同縣金舉洪山羅忠節祠歲祭君撰碑

丹余書舉襖薦曾傅曾祠凌霄閣歲嘗登高歸休寢未忘宵深厝火

懼走視髯鍵關但遣僮僕諭蕤憂漆室吟跼步登樓賦
忤往神九升瞠無語一句漏天攢萬竅對霑詩聲赴期
君來歲觴儻與梁父遇

謂節庵

次韻魯髯見懷二首

老懷鄰巷永深秋海水宵添作漏籌鶴聽道書將葉落
鴈馱詩思入邊愁江山文藻垂青簡人物風流翫白鷗
憶訪邦型趨講舍稻香魚熟禰衡洲

頻年撰杖石巢秋插帽莢花作酒籌文字久傷門黨習
江山同唱畔牢愁星低平野來羣鴈風撼危磯坐一鷗
江館書成方共讀淵源述學近梨洲

君撰刻道學淵源錄一百卷成

爲理初題江城錄別畫卷二首

廿年衣上焦巖翠曾共梁髯一拂之待築岑華新閣子
蛟龍吸盡大江詩

石巢亭下彈棋晚修竹盤陀兩樹松
我有此亭君有畫

畫中相見定呼僂

節庵謂卷中畫似
吾巢之君子亭

題畫梅送胡晴初

玉堂詩思寫娉婷花外寒香澹不局逗上月明春漸暖
送君吹笛有龍聽

寄由父

元一沈陰塞九有腥羶與物爲覆罨踈鳥挾犬合聲影

中原一氣相呼號憂天墜石恐到頂插腳況有洪波濤
巖荒樹古繞百匝攬月青天於我遙離官一寸不易得
幸無職守名可韜調飢故人儼同病比量才德誰功勞
廬陵宰官易叔子頗以儒術鉗民囂兩人墮地共歲月
長君一日吾可驕始冬氣肅疾愈烈江艫逆捲潯陽潮
遮君魂夢過廬阜激我詩心衝斗杓貧辛兒女互歌泣
困躓僮孥私罵嘲才名若贅感麟鳳節序驚換同螳蜩
銜碑有口道不得壁塵蠹落玉塵毛江山諒闇倏二載
劇有古慟癰煙蒿道窮仙佛尋可忍世變賢聖飢難逃
國論移山事反掌太行不敢矜其高徑欲離官就君飲

章江水縮天沈寥知君念我頗滯悶縣廳民事尤紛懽
發函伸紙走狂墨軫予羈宦同煎熬上言折獄民可得
下言注易書新雕乾坤否泰六十四緯以治亂天人交
聖人易爲憂患作子今釋易氣不撓旁徵三禮根六書
一卦闡說如一爻胷羅三百八十四首尾穿脇陰陽包
吉凶悔吝固天意張弛吾道由吾曹古今皇謨變藻繪
中外禮俗淆蒸陶經荒雖有易子易江上難同巢父巢
一言不朽況一書君書與日爭高標深宵展讀神益王
病膜刮去通三鴈我昔共君事章句二十綠髮隨風飄
君遲通籍厭郎署我逮強仕監羣僚召試金門瞬八載

四溟戰血羣龍鏖君言州縣國之本願假宰割爲烹調
臨川補官印不與外臺憎汝多芻蕘我爲故相督工學
三磯戕戕江水滔紛綸儒墨出新制織場楮國輸錢刀
三年五督薄攷工事權旣奪口亦膠大風吹毛自江海
日夕堂寢皆動搖功成閒冗懼更罪年來筆硯胥焚燒
百錢拄杖不常有何能擺脫歸窮茅去冬畫石寄贈君
狂雪撲戶隨風饕題詩危苦墨乾凍腴以書帙稽洪喬
今年再畫四幅縑石狀如我無崩洶憑君讀畫慰我意
定有犇墨驅歌謠阿兄分巡嶺海郡並時才藝凌風騷
兄官昔遭畫餅詬予再撰述休傳鈔吾家駮兒書未就

君家嬌女能紡纈與君齊年各四六更二三載婚嫁勞
子才既銳學亦古吾迹雖晦名不凋遭逢聖明復多難
庶事折剝分釐毫四千餘年錦繡段王塗失馭民無膏
感君爲縣歡竹馬笑我羈省如懸匏呼燈江館寄長句
童子睡矣更三敲

贈楊子安出守南康二首

強學傳經日金門執戟臣奏牋從上相飾館聚編民書
劍琉璃水宮衢錦繡春謁來探政俗深念草元人

大郡包廬阜中峰望漢陽寫經唐梵宇留帶宋公堂舊

躡懷王子新鋤繼沈郎

前守王夢
湘沈子培

江山遂親養期我辦

游褒

祝蜀詩社二首 東坡生日會飲用公蜜酒歌元
修菜詩韻題平山堂宋刻坡公像殘石拓本與
顧所持印愚周澹淵雲黃縵庵紹第羅四峰維
翰楊喆甫覲圭李靜窈寶沅劉霓鵬世鬻陳飛
俠完連句所持後一日生日以蜀人爲武昌令
詩兼祝之

蜀中詩源飲醇醴西下岷江最清泚萬眉山靈秀萃一
門量才五斗多如米翰七百年來風未沫虎頭能畫蜀
山活雲哦詩九天落咳唾飛書八法工挑撥圭卧聽官

閣松風聲西山宦迹同冰清第炯炯壽星傍南斗新詩

侑酒賡長生鬻平山刻石見風骨此會年來欣再得沉

東坡之言非謬悠聯吟還似韓與侯愚

石巢石上蒲九節花紫茸醞酒壽東坡詩格追元豐愚

鬢眉凜石刻氣尙蟠寰中小閣坐人豪瞰予俯雕蟲萬

當年瓊與儋遷謫何遽息至今吳奎宿有盞馨其饒圭

超遙不可及高植雪嶺葱挺生代韓暉雲氣在太空雲

世路翳荆棘險巇逾蠶叢吏隱聊因樂笑語如春融第

聚星堂賦雪今古將毋同長庚映南極有客顏猶童沉

甘脆薄世味靈芬填古胷曰予嗜道腴塵網挾其封完

觚罍竭蜜釀燔庖雜園菰西山尋野梅南樓感飛蓬
萬更思嚴鼓旗焉能問釜鍾坡仙儻可招長歌眺碧翁
圭

石巢詩集卷六終